



SULEQATIGIISSIT
SAMARBEJDSPARTIET

UKA 2018/192

Tillie Martinussen

Uunga siunnersuut: Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaata allanngortinneqarnissaa pillugu Inatsisartut inatsisaat nr. xx, xx. xxx 2018-imeersoq.

(Piffissaq ungasinnerusoq eqqarsaatigalugu aningaasaliissuteqarnissamut

Aningaasaateqarfimmut isertitassanut tunngavissat annertusineqarnerat, innersuussutip naqqiissuteqarfigineqarnera, pisortat ataatsimoorussamik IT atorlugu aqqissuussinerat

aamma missingersuutit oqimaaqatigiinnerat pillugu §§ 2-5-imik atorunnaarsitsigallartarneq)

(Aningaasaqarnermut Naalakkersuisoq)

(Siullermeerneqarnera)

Nuannerluinnarpoq kiisami qarasaasiaqarneq aallutileratsigu. Pisortat ingerlatsiviini kommuuninilu IT ernumatsitsisinnaasarpoq, taamaattumik pingaaruteqarluinnaqqissaarpoq angisoorsuarmik akisoorsuarmillu systemimik peqalernissap qularnaarnissaa paarlattuanillu pissarsilluni atoruminartumik ingerlatsivittalinnik siunissaq qularnaareerlugu aamma pilersaarusiukkanik nunarsuup sinnerani atorluarneqareersunik.

Aamma pingaaruteqarpoq IT-systemeqalernissaaq nunarsuup sinnerani pilersuisoqarluartumik, suliffiup ataasiinnaap kiffartuussisutut iluarsaassisartutullu systemimut isumalluutigivallaalernissaa pinaveersimatinniarlugu.

Assersuutissarpassuaqarpoq pilersuisumut ataasiinnarput naapertuutinningsunik systeminik neqerooruteqarsimasumut qilersortoqartarnera aamma suli pingaarnaruvoq; naapertuutinningsumik nutarterisoqartarnissaa imaluunniit pitsanngorsaasoqartarnissaa taamatullu piffissamik atuisarnissaaq.

Angusassat pillugit isumaqatigiissutit, sinaakkusersorluakkamik, naatsorsuutigisat kingornalu kiffartuussinerit taamatullu systeminik naleqqussaansat ilanngutereerlugit - atuisunut aamma teknologimut, eqaatsumik suliaasimasussanut aamma eqqortunut - taamatullu qularnaarlugu nunarsuarmi arlariinnik pilersuisoqarsinnaanissaaq. Taava unammillertoqassaaq kinguneqarnillu pissarsiarineqarlutik tunisassiat atanerusinnaasut, kiffartuusilluarneq aamma pilersaarusiorneq pitsanerusoq.

Taamatutaaq pingaaruteqarpoq systemit isumannaatsuunissaasa qularnaarnissaat kiisalu immikkoortorta qarfiit enhedillu avissaarsimatinnissaat, systemit iluamik ingerlaqqullugit. Akisuallaanngitsunik. Siunnersorneqarnissaaq ilitersorneqarnissarlu isumannaarneqassaaq aamma suut aalajangiiffineqassanersut immikkoortumut ataasiinnarmut tunniutinnisaannassaaq paarlattuanik siunnersortit immikkullu ilisimasallit nunami maani isumasiorneqartassapput. Peqarpugummi.

Innersuussutigissavarput kommunit akuutinneqassasut - kisianni IT-systeminut immikkut ilisimasallit pingaartillugit. Innersuussutigissavarput pisiniarnermi ataqatigiissaarisarnissap oqaloqatigiissutigisarnissaa, unammilleqatigiinneq innarlerumanagu aamma innersuussutigissavarput



SULEQATIGIISITSISUT
SAMARBEJDSPARTIET

peqquserluuteqartoqannginnissaanut sillimalluarnissaq, qanigisanik suleqateqannginnissaq aamma kammalaatersornerup pinaveersimatinnissai systeminik allanngortiterisoqartillugu soorlu uani tamanna pineqartoq.

Peqataanik mianersoqqussutigissavarput tamatuma kingorna Namminersorlutik Oqartussat kommunillu ataatsimoortutut isigineqalinnginnissaat paarlattuanillu atorlugit ingerlatsivinni tunngaviit pitsaasut, allaffissornermi tunngaviit aamma aningaasarsiornikkut aqutsinikkullu tunngaviit assigiissaarinermi tunngavigineqartartussatut.

Isumaqarpugilli siunnersuummi §§2-miik 5-mut atorunnaartitsigallartarnissamut siunnersuutigineqartut misissorneqassasut, taamaattumik siunnersuutip ataatsimiitaliamut susassaqartumut ingerlateqqinnissaa innersuussutigaarput kissaatigalugulu suullunniit kinguneranik sunniuteqarsinnaasut sukumiisumik misissorluarneqassasut.

Qujanaq oqaaseqarsinnaagama.